

# Huave God's Simple Plan

Jayats Trat leaw Tarang Teat Dios por Miteatiiüts Jesucristo

Pues intera nipilan arangüw ngo majnej, nejingüind ngo majaw nej Teat Dios que najnej arang. Romanos 3:23

Cos leaw ngo majnej arang, aag ayaj apmamb tiül castigo meáwan tiempo, pero leaw apmataag creer Miteatiiüts Teat Cristo, pues aag ayaj Teat Dios apmüüch mapac meáwan tiempo tiül cielo. Romanos 6:23

Pues Teat Dios xeyay ajiür icoots lasta, pares tawün icoots wüx asoetiiüts para ngo mambaats tiül castigo. Pues aag ayaj cos tatajcaats creer, ngome por leawa icootsa tarangaats, pero cos Teat Dios tarang aag ayaj para mawaats wüx. Pues nejingüind ngo ndom merangrangüy wüx aag ayaj, cos aag ayaj ngome por leaw tarangaats, pero cos por leaw Teat Dios tarang. Efesios 2:8-9

Pero aaga netaag cobrar miünquiájan lembej, ni ngo mandiüm maxaing omal majaw cawüx. Más naleaing, atoltol mal miüünd nej, tapiüng: "Teat Dios, xique nerangas ngo majnej, pero Teat, ijiür xic lasta," aw. San Lucas 18:13

'Teat Dios xeyay ajiür lasta intera nipilan wüx mundo. Por aag ayaj tüüch miün anopü'yan Micual nej para ngo mamb tiül castigo jangantanej leaw apmataag nej creer, pero apmapac meáwan tiempo niüng ajlüy Teat Dios. Teat Dios ngo müüch miün wüx mundo Micual nej para mataag castigar nipilan, más naleaing para ndom mawüw wüx asoetiw intera nipilan wüx mundo por nej. San Juan 3:16-17

Cos intera leaw ngo majnej arang aldemas nipilan, pues nots quiaj malocooch icon mendiüman merangan aton. Pero Teat Dios apmambeol icon atnej lamapiüng, ngo müüch lugar malocooch icon cuajantanej leaw ngo ndom meiücan wüx. Pues wüx apmalocooch icon cuajantanej, pues quiaj Teat Dios aton apmüüch icon nguineay alndom meiücan wüx para ngo merangan aag ayaj. 1 Corintios 10:13

Pares xique sajiür segur que nicuajind ngo ndom mawün icoots wüx aaga lasta lajiürüchiiüts. Pues aaga lasta ngo ndom mümb, masey apmandeowaats, o masey aliün mapacaats. Aton ni ángeles, ni nimeech, ni leaw amongochiiüts nganüy, o leaw apmamongochiiüts oxep nawiür, ni leaw ajlüy cawüx tiül cielo, o leaw ajlüy ningüy wüx iüt, o masey ajlüy más cuajantanej, pero Teat Dios tanaámb apmajiür icoots lasta, cos Teat Cristo tandeow para mawün icoots wüx. Romanos 8:38-39

Pues Teat Cristo tataag cumplir intera leaw apiüng tiül aaga ley tüünd Moisés. Pares nganüy intera leaw ataag nej creer, apmaw asoet nómban. Romanos 10:4

Cos tiül mismo Mipoch Teat Dios, tapiüng: Wüx tatüch a nüt tarangas icon favor, tanguiyaiüs indeacan; y wüx tatüch a nüt para meriowan wüx isoetiün, quiaj tambeolas

icon, aw. Pares nganüy lamatüch aaga nüt Teat Dios marang favor nipilan y lamatüch a nüt para mawün wüx asoeteran. 2 Corintios 6:2

Pues wüx tanguiyiw aag ayaj ajcüw a nipilan quiaj, tayajcüw tiül omeajtsüw que nejiw xeyay ngo majneaj arangüw. Quiaj tasajüw a Pedro y aldemas: --Teat monxey, jow nganüy ¿cuane sanarangan? ajüw. Pues quiaj tasaj nejiw a Pedro: --Ich leaam imeajtsan que ngo majneaj temerangan, y de nganüy irangan najneaj. Ndoj iyariün yow cada inopnophon por minüt Teat Jesucristo, para majüec laáw isoetiün. Quiaj Teat Dios apmüch meyariün Dios Espíritu Santo. Hechos 2:37-38

Pues atnej montaag creer atajcüw creer Teat Cristo, at aton mintajaran ich matajcw creer minojow nejiw wüx intera. Efesios 4:24

Pues atquiaj apiüng tiül mismo Mipoch Teat Dios, cos apiüng: Ngo majlüy nejingüind majaw nej Teat Dios que najneaj arang, ni anop; Romanos 3:10

Pues de wüx primerito tajlüy nop naxey nenüt Adán. Pues aaga naxey quiaj ngo marang atnej tapiüng Teat Dios, ngo majneaj tarang. Por nej intera nipilan wüx mundo aton arangüw ngo majneaj. Pues aaga naxey quiaj tandeow cos tarang ngo majneaj. Pares intera nipilan wüx mundo andeowüw aton, cos intera nipilan arangüw ngo majneaj. Romanos 5:12

Pues icóotsan quiaj nunca ngo ndom marangaats nicuajind para mawüniüts asoetiüts, pero cos Teat Cristo tandeow por icoots wüx tatüch a nüt lamapiüng Teat Dios. Pues quiaj tandeow por intera nipilan masey leaw ngo marang nej casa aton. Romanos 5:6

Pero Teat Dios tajüequich que nej tajiür icoots lasta, cos tataag mandar mandeow Teat Cristo por icoots wüx aliün marangaats ngo majneaj. Romanos 5:8

Aton tajüec que nej mero Micual Teat Dios, cos Dios Espíritu Santo tapacüch nej alinomb. Romanos 1:4

Pues ajawaats que Teat Cristo tapac imiün tiül mondeow, pares lango ndom mandeow alinomb vuelta, niquimas ngo ndom mandeow. Romanos 6:9

Pues sitiül apmapiüngaats que Teat Jesús, aag ayaj Cristo nej leawa tapiürang aliüc, y apmatajcaats creer tiül omeajtsaats que Teat Dios tapacüch nej naw tiül mondeow, pues quiaj apmawaats wüx asoetiüts, lango mambaats tiül castigo. Romanos 10:9

Aag ayaj apiüng tiül mismo Mipoch Teat Dios: "Intera leaw apmasaj Teat Dios para mawün nejiw wüx, pues aag ayaj apmaw asoetiüw nejiw para ngo mambüw tiül castigo," aw. Romanos 10:13

Pares xique sajiür segur que nicuajind ngo ndom mawün icoots wüx aaga lasta lajiürüchiiüts. Pues aaga lasta ngo ndom mümb, masey apmandeowaats, o masey aliün mapacaats. Aton ni ángeles, ni nimeech, ni leaw amongochiiüts nganüy, o leaw

apmamongochiiüts oxep nawiür, ni leaw ajlüy cawüx tiül cielo, o leaw ajlüy ningüy wüx iüt, o masey ajlüy más cuajantanej, pero Teat Dios tanaámb apmajiür icoots lasta, cos Teat Cristo tandeow para mawün icoots wüx. Romanos 8:38-39